



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

In Cap. ult.

[urn:nbn:de:hbz:466:1-62169](#)

non tantum à malo, sed etiam à specie mali abstinentia est, c. Chm ab omniis pr. inf. De dicta & honestate Cleric.) jubet S. Pont. causam utrumque cognoscere.

3. Ceterum nihil prohibet, quin unus litigantium alteri amicabiliter cedere possit, d.c. Super. Sed tunc videtur obstatre reg. Beneficium Ecclesiasticum non possit licet sine institutione canonica obtineri, c. i. De R. I. in 6. Verum Resp. Pan. & Imol. in d.c. Super, quod gratuita illa cessio sive remissio non quidem titulum det, sed tantum efficit, ut is, qui movet litem, liti renuntiet tamquam jus non habens. Neque enim cā super-

roris, veluti Episcopi, auctoritate opus est, cūm text. in d.c. Super eius non meminerit; nisi, ut recte ibi monet Panorm. alter per cessionem vel gratuitam renuntiationem dimitteret beneficium à se possessum. Nam non potest possessor quoquo modo beneficium dimittere absque superioris auctoritate, c. Admonit. 4, sup. De repunitat. Præterea observandum, judicem ex suo officio, conservandæ pacis & utilitatis causā, litem de beneficio Ecclesiastico ita posse componere, ut uni beneficium adsignetur, alteri vero quid annuum ex redditibus eiusdem beneficii, juxta formam c. Nisi 21, inf. De præbend.

In Cap. ult.

SUMMARIUM.

1. Iudicis officium est litigantes inducere ad concordiam sive transactionem.
2. An indistincte hoc possit iudex.
3. Conjugii sacramentum quartensis sit apud infideles.
4. 5. Iudex modum pœna statuere ex quibus causa posset.
6. Iudex in casibus iure non decisus tenetur sequi aquitatem.

Tria potissimum hoc Cap. continentur. Primum, quod iudex litigantes ad concordiam sive transactionem commovere debeat. Alterum, quod possit iudex interdum severitati juris detrahere, hoc est, moderari pœnam à jure constitutam, pro status scil. imperii, & multitudine inspecta excedentium sive delinquentium. Tertium est, quod in casibus expresso iure non decisus teneatur iudex servare aquitatem, semper in humaniore partem declinando.

I Quod ad primum attinet, notandum est, quod ad judicis officium pertinet, non solum causas decidere secundum juris regulas, sed & inducere litigantes, ut inter se de lite transfigant, vel aliter eam componant. Ita Panorm. & Avanias, hic; non obstante, quod textus noster utatur verbo, poterit, quod alias necessitatem non iniicit, sed potest; & arbitrio judicis relinquit, l. Non quidquid 40. D. De judic. Et hoc non solum iudex agere debet ante litem inchoatam, sed & in progressu judicij, post auditia partis utriusque jura per text. enc. 1. in fine inf. De mutuiss petit. Ratio est, quia iudicis est lites, quantum fieri potest, diminuere, l. Quidam existimaverunt 21, D. Si certum pet. Non ta-

men potest iudex præcisè partes compellere ad transfigendum, cūm ne mini invito ius suum afferri debeat, l. 4, §. sequi condemnatus D. De re judic. &c. Indultum De reg. iuri in 6.

Sed querit hic Panorm. an iudex indistincte possit bonâ conscientia inducere litigantes ad transfigendum. Et Resp. ex sententia Joan. Andreæ, quod non possit, si iam causam perspectam habeat, ne quod unius revera competit, alteri attribuat, contra justitiam; præterquam si circumstantia personarum aliud suaserint. Quid enim si sententia executio sit futura difficultis, propter potentiam condemnandi? Quid si condemnatus appellare velit, & appellatio dubia, sumptuosa, aut diuturna futura sit? utique non male fecerit iudex, si transactionem suadeat.

Quod si causa transactionem non admittat, iudex omnino abstinere debet à transactione, cūm id frustra facturus sit: veluti in matrimonio, quod semel legitimè contractum transactione partium dirimi non potest, per h. text. Quos enim Deus coniunxit, homo non separet, c. pan. xxxii. 9. 2. Similiter si illegitimè, id est contra sacros Canones, est contractum, transactione partium non potest convalescere, c. Non debet 8, inf. De consang. & affinit. Ubi tamen in matrimonio nullum subsistit canonicum impedimentum, transactio pro matrimonio valet, tamquam per transactionem matrimonium reintegratum sit, arg. c. 2, inf. De defens. clandest. veluti si inter duos, in quibus nullum est legitimum impedimentum, de matrimonio litigetur, an contractum sit, mulier vera, quæ matrimonium negat, transfigat, accepta dote

F

à viro,

- à viro , valet transactio de matrimonio quasi de novo contracto?
- 3 Quod vero ait textus , conjugi sacramentum esse quoque apud infideles, accipendum est quoad contractum sacramenti matrimonii, qui non minus tamen infideles constat, sed nequaquam ut sacramentum, eo quod baptismo careant, qui est aliorum sacramentorum fundamentum & janua, c. 2, De cognat spirit. in 6, Et can. Cum itaque in fine De consecrat. Dis. 4. Similis locus est in e. Gaudemus 8, circa pr. inf de divort. qui & eodem modo exaudiendus.
- 4 Jam ad secundum caput textus nostri transamus, quo vult S. Pont. interdum detrahendum esse juris severitati, inspecco scilicet statu imperii, & delinquentium multitudine. Cui certè obstat responsum I. C. Claudii Saturnini, in l. Aut facta 16, § fin. D. De pœna, sub his verbis : Nonnumquam evenit, ut aliquorum maleficiorum supplicia exacerbentur, quoties, nimium multis personis grassantibus, exemplo opus sit. Hoc verò loco juber attemperari S. Pont. pœnam , quæ à jure constituta est, propter multitudinem delinquentium. Verum ex ipso nostro textu facile conciliatur hoc responsum Claudii. Nam textus præter multitudinem delinquentium etiam vult considerari statum imperii, ut si multitudine delinquentium imperio judicis contineri non possit, tunc pœna remittenda sive diminuenda sit: secus, si contineri possit, & unius vel alterius exemplo opus est, de quo loquitur Claudius in d. § fin Ratio verò textus nostri est in can. Ut constitueretur Dis. 50, in verbis, Vbi non hujus aut illius hominis periculum, sed popularum frangere facit, detrahendum est aliquid severitatis. Et in can. Commissiones Dis. 44. jubetur agi cum peccantium multitudine non asperè, non duriter, non modo imperioso, sed magis docendo & monendo.
- Igitur propter multitudinem delinquentium severitatem pœnae detrahitur. Idem est, si vel alia justa causa sit pœnam remittendi vel mitigandi ob delicti circumstantias , videlicet aut propter ætatem minorem delinquentis, aut senectutem, aut propter sexum muliebrem, aut ebrietatem, aut justum dolorem, similemve ob causam, ut fatus videre est apud And. Tinq. in tract. De pœnis legum temperandis & remitt. Jul. Clarum in Pract. crum. q. 60. & exstant de his textus in d. l. Aut facta 6. in l. Responsio D. De pœnis, & in 6. Sicut 6. inf. De homicidio, ubi circumstantia enumerantur, quæ potissimum sunt considerandæ in puniendo delicto, videlicet causa ipsius delicti, persona, locus, tempus, qualitas, quantitas, & eventus, ob quas delicti pœna vel remittitur , vel minuitur, vel quandoque augetur. Sed hæc explicare latius nostri non est instituti.

Unde ad tertium caput textus nostri digrediamur, quo dicitur, in casibus non decisis expresse à jure judicem debere æquitatem lequi, propendo semper in humaniore partem, habita scilicet ratione personarum, causarum, temporum & locorum. Confirmat text. ins. 4, §. 1, sup. De off. & possest iud. de leg. Atque hoc regulare est in omnibus casibus, qui à jure certo deficit non sunt, l. 1, in fine D. De jure codicillor. l. 1. §. 1. D. De effraðorib. & l. Continuus 137, §. exmitta D. De verb. obl. Adhibita tamen semper æquitate, ut hic textus moneret, & in l. Semper in dubiis D. De R. I. In iis verò, quæ expresso jure carentur, non receditur à jure, etiamsi judiciale aliud æquius videatur, c. 1, & c. 5, sup. De confis. & c. 1, inf. De sent. & re iud. Nam inter æquitatem, inquit Constantinus Imp. eiusque interpositam interpretationem nobis folis & oportet & licet inspicere, l. 1, §. 1. De legib. Ubi æquitatem accipe pro æquitate non scripta & quæ jure consignata non est: aliás si æquitas effici consignata, omnino præferretur juri scripto , tamquam strictiori. Placit. 8, C. De iudice. Nisi aperre permetteret legislator, ut iudex, non attento iure scripto, posset ex causa, aliisque circumstantiis aliud statuere , ut autem diximus de pœnis iuris communis, ex d. l. Aut facta, cum similib.

IN TIT. XXXVII. DE POSTVLANDO.

S U M M A R I A.

1. Postulare quid.
2. Postulare qui prohibeantur.
3. Clericis postulare quatenus permisum.

Quod si partes litigantes induci non possint ad compouendum sive transfigendum , sed omnino decretum sit iudicij aleam experiri, tunc in primis incumbit actori desiderium, id est petitionem suam, in iure, id est apud tribunal iudicis,